

**Ўзбекистон Республикаси Марказий сайлов комиссиясининг  
Қ А Р О Р И**

**ЎЗБЕКИСТОН РЕСПУБЛИКАСИ ПРЕЗИДЕНТИ  
САЙЛОВИНИ ЎТКАЗУВЧИ УЧАСТКА САЙЛОВ  
КОМИССИЯЛАРИ ИШИНИ ТАШКИЛ ҚИЛИШГА  
ОИД УСЛУБИЙ ТАВСИЯЛАРНИ  
ТАСДИҚЛАШ ТЎҒРИСИДА**

«Ўзбекистон Республикаси Президенти сайлови тўғрисида»ги Ўзбекистон Республикаси Қонунининг 14-моддаси ва «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5-моддасига мувофиқ Ўзбекистон Республикаси Марказий сайлов комиссияси

**Қ А Р О Р Қ И Л А Д И :**

1. Ўзбекистон Республикаси Президенти сайловини ўтказувчи участка сайлов комиссиялари ишини ташкил қилишга оид услубий тавсиялар иловага мувофиқ тасдиқлансин.

2. Мазкур услубий тавсияларга мувофиқ:

Ўзбекистон Миллий телерадиокомпанияси (А. Ходжаев) жорий йилнинг 23 октябрга қадар участка сайлов комиссиялари ишини ташкил қилишга оид 2 та қисмдан (сайловгача ва сайлов куни амалга ошириладиган тадбирлар) иборат бўлган ўқув фильмини яратишда;

Ахборот технологиялари ва коммуникацияларини ривожлантириш вазирлиги (Х. Мирзахидов) участка сайлов комиссияларидаги бир дона компьютернинг Интернет тармоғига уланишида;

Ўзбекистон Республикаси Халқ таълими вазирлиги (У. Иноятов) сайлов участкаларида ташкил этилган «Она ва бола» хоналарида тегишли сайлов участкасига яқин жойда жойлашган мактабгача таълим муассасасидан 2 нафар тарбиячи ажратилиши ва мазкур хоналарнинг зарур даражада жиҳозланишида;

Ўзбекистон Республикаси Соғлиқни сақлаш вазирлиги (А. Алимов) сайлов участкаларининг тиббиёт хоналарини зарур дори воситалари, тиббий буюмлар ва тиббий техникалар билан таъминланишида амалий ёрдам кўрсатсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек бошқа манбаларда эълон қилинсин.

4. Мазкур қарорнинг ижросини назорат қилиш Ўзбекистон Республикаси Марказий сайлов комиссиясининг доимий асосда ишловчи аъзоси (Т. Ширинов) зиммасига юклансин.

**Раис**

**М. АБДУСАЛОМОВ**

*Тошкент ш.,  
2016 йил 7 октябрь,  
750-сон*

*Ўзбекистон Республикаси Марказий сайлов  
комиссиясининг 2016 йил 7 октябрдаги  
750-сон қарорига  
ИЛОВА*

**Ўзбекистон Республикаси Президенти сайловини ўтказувчи  
участка сайлов комиссиялари ишини ташкил қилишга оид  
УСЛУБИЙ ТАВСИЯЛАР**

**К И Р И Ш**

Мазкур Услубий тавсиялардан Ўзбекистон Республикаси Президенти сайловини ўтказувчи участка сайлов комиссиялари ишини ташкил қилишда фойдаланилиши мумкин.

Шунингдек, Ўзбекистон Республикаси Марказий сайлов комиссияси томонидан участка сайлов комиссиялари ишини ташкил қилиш бўйича ўқув фильмлари тақдим этилганда, комиссиянинг аъзоларига уларни бир неча маротаба кўриш ва ўрганиш тавсия этилади.

Сайлов куни участка сайлов комиссияси томонидан мазкур Услубий тавсияларнинг 1-илоvasида назарда тутилган вазифаларни амалга ошириш тавсия этилади.

**1-боб. Овоз бериш бинолари, хоналари ҳамда сайлов  
жиҳозларини тайёрлаш бўйича тавсиялар**

Овоз бериш бинолари, хоналари ҳамда сайлов жиҳозларини тайёрлашда участка сайлов комиссиясига қуйидагилар тавсия этилади:

овоз бериш хоналарига олиб борувчи кўрсаткичларни кўринарли жойга жойлаштириш;

бинога кириш жойида ногиронлар арачасига мослаштирилган пандуслар бўлишига (ғилдиракли арачалар чиқишига мўлжалланган махсус йўлак) ва уларнинг белгиланган талабларга (эни камида 90 сантиметр, чиқиш бурчаги 30° дан кўп бўлмаган) мос келишига эътибор қаратиш;

сайлов қутилари, кўчма сайлов қутилари ва яширин овоз бериш кабиналарини овоз бериш учун шай ҳолатга келтириб қўйиш;

сайлов қутиларини пломбалашда Ўзбекистон Республикаси Марказий сайлов комиссияси томонидан юборилган пластмасса бир маротаба ишлатишга мўлжалланган рақамланган пломбалардан фойдаланиш.

## **2-боб. Сайлов участкасини жиҳозлаш бўйича тавсиялар**

Участка сайлов комиссиясига сайлов участкаларини куйидагилар билан жиҳозлаш тавсия этилади:

мазкур Услубий тавсияларнинг 2-илоvasида назарда тутилган участка сайлов комиссияси жойлашган бинода бўлиши тавсия этиладиган зарур буюмлар;

мазкур Услубий тавсияларнинг 3-илоvasида назарда тутилган сайлов участкасида бўлиши тавсия этиладиган сайловга бағишланган ахборот стендлари;

мазкур Услубий тавсияларнинг 4-илоvasида назарда тутилган сайлов участкасида бўлиши тавсия этиладиган сайлов жиҳозлари;

мазкур Услубий тавсияларнинг 5-илоvasида назарда тутилган сайлов участкасида бўлиши тавсия этиладиган норматив-ҳуқуқий ҳужжатлар;

мазкур Услубий тавсияларнинг 6-илоvasида назарда тутилган участка сайлов комиссиясида бўлиши тавсия этиладиган иш юритиш жилдлари;

мазкур Услубий тавсияларнинг 7-илоvasида назарда тутилган участка сайлов комиссиясида бўлиши тавсия этиладиган канцелярия анжомлари.

Участка сайлов комиссиясида комиссия жойлашган ташкилот обуна бўлган маҳаллий ва республика миқёсидаги газеталар бўлиши мумкин.

## **3-боб. «Она ва бола» хонасини ташкил этиш бўйича тавсиялар**

Участка сайлов комиссияси жойлашган бинода «Она ва бола» хонаси ташкил этилади ва мазкур Услубий тавсияларнинг 8-илоvasига мувофиқ жиҳозланади.

«Она ва бола» хонаси камида 15 м<sup>2</sup> майдонга эга бўлиши, сайлов куни тегишли округ сайлов комиссияси кўмагида ушбу хонада сайлов участкасига яқин жойда жойлашган мактабгача таълим муассасасидан 2 нафар тарбиячи жалб қилиниши, уларнинг 1 нафари эрталаб соат 06:00 дан 13:00 гача, 1 нафари соат 13:00 дан 20:00 гача ушбу хонада навбатчиликда туриши тавсия этилади.

#### **4-боб. Сайлов участкасида тиббий ёрдам кўрсатишни ташкиллаштириш бўйича тавсиялар**

Ҳар бир сайлов участкасида сайлов куни мурожаат қилган шахсга тиббий ёрдам кўрсатиш учун тиббиёт хонаси ташкил қилиниши мақсадга мувофиқ.

Участка сайлов комиссиясига тиббий ёрдам кўрсатишни ташкиллаштиришда:

участка сайлов комиссияси жойлашган ташкилот раҳбари кўмагида тиббиёт хонаси учун табиий ёруғлик тушадиган, таъмирланган, тоза ичимлик суви мавжуд, майдони камида 16 м<sup>2</sup> дан кам бўлмаган тиббий ёрдам кўрсатиш учун мослаштирилган алоҳида хона ажратиш;

тиббиёт хонасини тегишли округ сайлов комиссияси, участка сайлов комиссияси жойлашган ташкилот раҳбари ҳамда туман (шаҳар) тиббиёт бирлашмаси кўмагида мазкур Услубий тавсияларнинг 9-иловасига мувофиқ жиҳозлар, дори воситалари, тиббий буюмлар ва тиббий техникалар билан таъминлаш;

тиббиёт хонасидаги жиҳозларнинг ишчи ҳолатда бўлишига, дори воситалари ва тиббий буюмларнинг яроқлилиқ муддатига, уларни сақлаш шароитларига эътибор бериш;

тиббий ёрдам кўрсатиш учун ушбу сайлов участкаси ҳудудидаги даволаш-профилактика муассасалари (кўптармоқли ёки оилавий поликлиника, қишлоқ врачлик пункти)нинг етарли билим ва кўникмаларга эга бўлган шифокор ва ҳамшираларидан иборат таркибда навбатчилик ташкил қилиш, бунда навбатчилик сайлов куни соат 06:00 дан 22:00 гача амалга оширилишини назарда тутиш;

тиббий ёрдам кўрсатилганлар ҳақида тегишли туман (шаҳар) тиббиёт бирлашмаси раҳбарияти ҳамда участка сайлов комиссияси раисига маълумот бериш;

тиббий ёрдам кўрсатилгандан кейин беморнинг ҳолати яхшиланмаса ва даволашни назоратда давом эттириш лозим бўлган ҳолларда ёки шунга ўхшаш бошқа ҳолатлар юзага келганда, бемор (беморлар) тез тиббий ёрдам хизмати орқали тегишли даволаш-профилактика муассасасига етказилиши тавсия этилади.

**Сайлов куни участка сайлов комиссияси томонидан  
амалга оширилиши тавсия этиладиган вазифалар**

Вақти	Тадбирлар	Ижрочи
05.30	Овоз бериш хонаси шай ҳолатга келтирилади	Барча аъзолар
05.45	Участка сайлов комиссияси аъзоларининг овоз бериш кундаги вазифалари тақсимои ўқиб эшиттирилади	Раис
05.50–06.00	Участка сайлов комиссияси аъзоларига сайлов бюллетенлари далолатнома асосида тақсимлаб берилди	Раис
05.50–06.00	Кузатувчилар, ОАВ вакиллари иштирокида сайлов кутиларининг бўшлиги текширилади ва улар бир маротаба ишлатиладиган пластмасса пломбалар билан пломбаланиб, пломбалар рақами кўрсатилган ҳолда баённома тузилади	Раис Котиб Аъзолар
06.00–20.00	Овоз бериш ташкил қилинади	Барча аъзолар
06.00	Ўзбекистон Республикасининг Давлат мадҳияси қўйилади. Овоз бериш бошланганлиги эълон қилинади. Сайлов участкасидаги сайловчилар сони, округ сайлов комиссиясидан олинган сайлов бюллетенлари, сайлов варақалари сони ва муддатидан олдин овоз берганлар сони эълон қилинади	Раис
06.15	Овоз бериш бошланганлиги ҳақида округ сайлов комиссиясига хабар берилди	Раис ёки котиб
Кун бўйи	Сайловчига сайлов бюллетени берилишидан олдин сайловчи сайловчилар рўйхатидан текширилиб, унга муддатидан олдин овоз бериш имконияти тақдим этилмаганлик ёки сайловчилар турар жойида овоз бериш учун мурожаат қилмаганлик ҳолатлари ўрганилиб, сайловчининг шахсини тасдиқловчи ҳужжатига мувофиқ сайлов бюллетени тақдим этилади. Сайловчига тақдим этилган сайлов бюллетенлари сонининг ҳисоби юритиб борилади.	Барча аъзолар
Кун бўйи	Кўчма сайлов кутиси ёрдамида сайловчи турган жойида овоз бериш ташкил қилинади	Камида 2 нафар аъзо, сиёсий партия кузатувчилари

Ҳар соат	Округ сайлов комиссиясига соат 08:00 дан бошлаб ҳар соатда сайловчиларнинг иштироки юзасидан ахборот бериб турилади	Раис ёки комиссия аъзоларидан бири
Кун бўйи	Фуқароларнинг мурожаатлари кўриб чиқилади (баённомада ақс эттирилади)	Раис
Кун бўйи	Кузатувчи ва ОАВ вакилларига сайлов жараёнини кузатиш учун шароит яратиб берилди	Раис
20.00	Овоз бериш яқунланганлиги эълон қилинади	Раис

**Овозларни санаб чиқиш бўйича вазифалар**

20.05	Бинодаги мавжуд сайловчиларнинг овоз бериб бўлишлари кутиб турилади (агар сайловчилар бор бўлса)	Раис
20.05	Кузатувчилар ва ОАВ вакилларига овозларни санаб чиқиш жараёнини кузатишлари учун зарур шароит яратилади	Раис
20.10	Овоз бериш яқунлангандан сўнг, ҳозир бўлганларга комиссия аъзоларининг сайловчилар овозларини санаб чиқишдаги ҳаракатлари кетма-кетлиги эълон қилинади	Раис
20.10	Овозларни санаб чиқишни бошлашдан олдин иштирокчиларга овозларни санаб чиқишга оид қонун ҳужжатлари талаблари тушунтирилади	Раис
20.10	Сайлов қутиларини очишдан олдин участка сайлов комиссиясининг барча аъзолари ҳозирлигида сайлов варақалари солинган ёпик конвертлар қутиларга ташланади	Раис

**Маъқур ҳаракатлар яқунлангандан сўнг**

1.	Фойдаланилмаган сайлов бюллетенлари сайлов қутиларини очишдан олдин санаб чиқилади ва бекор қилинади	Раис Аъзолар
2.	Бекор қилинган, фойдаланилмаган ва бузилган сайлов бюллетенларининг умумий сони овоз бериш натижалари тўғрисида баённомада кўрсатилади	Раис
3.	Овозларни санаб чиқишдан олдин комиссия аъзолари томонидан сайловчилар рўйхатининг ҳар бир варағига шу варақ бўйича умумий маълумотлар киритилади	Котиб
4.	Маълумотлар киритилганидан кейин сайловчилар рўйхатининг ҳар бир варағи ушбу маълумотларни киритган комиссия аъзоси томонидан имзоланади ва умумлаштирилади. Комиссия раиси ва овозларни санаб чиқишда иштирок этаётган аъзоларга маълум қилинади	Раис Аъзолар

5.	Якуний умумий маълумотлар сайловчилар рўйхатининг барча варақлари бўйича эълон қилинади	Раис
6.	Мазкур маълумотлар сайловчилар рўйхатининг охириги варағига киритилади, имзоланади ва сайлов участкасининг муҳри билан тасдиқланади	Раис
7.	Сайловчилар рўйхати ва мазкур рўйхат иловаси бўйича участкадаги сайловчиларнинг умумий сони аниқланади	Раис
8.	Округ сайлов комиссиясидан олинган сайлов варақлари ва сайлов бюллетенларининг сони аниқланади	Раис
9.	Сайлов варақлари ва сайлов бюллетенларини олган сайловчилар сони аниқланади	Раис
10.	Сайлов кутиларини бир марталик пломба билан пломбалаш баённомасидаги рақамлар сайлов кутиларидаги мавжуд пломбалар рақамлари билан таққосланади	Раис
11.	Овозларни санашни бошлашдан олдин участка сайлов комиссияси раиси ва котибидан ташқари, участка сайлов комиссияси аъзолари барча ёзув ашёлари (ручка, қалам ва бошқа воситалар) ҳамманинг эътиборига ҳавола қилинган ҳолда четга олиб қўйилади	Раис
12.	Сайлов кутиси ва кўчма сайлов кутиси очилади ҳамда ҳар бир номзод бўйича берилган овозлар алоҳида-алоҳида санаб чиқилади ва ҳар бир номзодни ёқлаб берилган овозлар сони аниқланади	Аъзолар
13.	Санаб чиқиш тугагандан сўнг, сайлов бюллетенлари овоз берилган номзодлар бўйича алоҳида-алоҳида боғлам қилиб ўралади ва тегишли тартибда расмийлаштирилиб, копларга солиниб, муҳрлаб қўйилади	Аъзолар
14.	Овозларни санаш жараёнида сайлов варақлари ва бюллетенларига номзоднинг фамилияси рўпарасида, ўнг томонда жойлашган бўш квадратга белги-крестик (+) қўйилганлик ҳолатига алоҳида эътибор қаратилган ҳолда биттадан ортиқ квадратга белги-крестик (+) қўйилган ёки битта ҳам квадратга бундай белги қўйилмаган сайлов варақлари ва бюллетенлари ҳақиқий эмас деб топилади ва сони аниқланади	Аъзолар



15	<p>Сайлов кутиларидаги сайлов варақалари ва бюллетенлар асосида комиссия томонидан:</p> <p>1) участка бўйича сайловчиларнинг умумий сони;  2) сайловчилар рўйхати киритилган сайловчилар сони;  3) олинган сайлов варақалари сони;  4) олинган сайлов бюллетенлари сони;  5) сайлов варақаларини олган сайловчиларнинг умумий сони;  6) сайлов бюллетенларини олган сайловчиларнинг умумий сони;  7) овоз беришда иштирок этган сайловчиларнинг умумий сони, шундан:  муддатидан олдин овоз берган сайловчилар сони;  кўчма кути орқали овоз берган сайловчилар сони аниқланади;  8) фойдаланилмаган ва бузилган сайлов варақалари ҳамда бюллетенлари умумий сони, шундан:  сайлов бюллетенлари сони;  сайлов варақалари сони;  9) ҳар бир номзодни ёқлаб берилган овозлар сони, шундан алоҳида-алоҳида ҳар бир номзодга берилган овозлар сони;  10) ҳақиқий эмас деб топилган сайлов бюллетенлари ва сайлов варақалари умумий сони аниқланади, шундан:  сайлов бюллетенлари сони;  сайлов варақалари сони аниқланади</p>	Аъзолар
16.	Сайлов бюллетени ёки варақасининг ҳақиқийлигига шубҳа туғилган тақдирда, масала участка сайлов комиссияси томонидан овозга қўйиш орқали ҳал этилади	
17.	Белгиланмаган шаклдаги (ҳажми, ранги, қоғоз сифати, типография шрифти ва бошқалар бўйича фарқланувчи) ва участка сайлов комиссияси томонидан тасдиқланмаган сайлов бюллетенлари овозларни санаб чиқиш пайтида ҳисобга олинмайди, алоҳида ўралади (упаковка) ва муҳрланиб, бу ҳақда далолатнома тузилади	Ранс Аъзолар
18.	Далолатнома овозларни санаб чиқиш натижалари тўғрисидаги баённома билан бирга, округ сайлов комиссиясига юборилади.	Аъзолар
19.	Зарур ҳаракатлар амалга оширилганидан кейин, комиссия томонидан якуний мажлис ўтказилади, унда овоз бериш ва сайловчилар овозларини санаб чиқиш вақтида йўл қўйилган қонунбузилишлар ҳақидаги шикоят ҳамда аризалар кўриб чиқилади	

20.	Овозларни санаб чиқиш натижалари тўғрисидаги баённомани тузишдан олдин комиссия раиси томонидан ҳозир бўлганлар эътиборига овоз бериш кунда ва сайловчилар овозларини санаб чиқиш тугагунича келиб тушган шикоятлар (аризалар) ва улар бўйича қабул қилинган қарорлар ҳақидаги ахборот етказилади, тегишли баённомага илова қилинадиган далолатномалар ва бошқа ҳужжатлар кўрсатиб ўтилади, комиссия фаолияти бўйича эътирозлар, шикоятлар бор-йўқлиги аниқланади (зарур ҳолларда, комиссия томонидан эътироз, шикоятлар кўриб чиқилади ва қарор қабул қилинади)	Раис
21.	Овоз бериш кунда ва сайловчилар овозларини санаб чиқиш тугагунига қадар келиб тушган барча шикоятлар (аризалар) овозларни санаб чиқиш натижалари тўғрисидаги баённомага илова қилиб қўйилади	Раис Аъзолар
22.	Овозларни санаб чиқиш натижалари тўғрисидаги баённомага ўзгартиришлар киритишга йўл қўйилмайди	
23.	Агар овозларни санаб чиқиш натижалари тўғрисидаги баённомани тўлдириш вақтида комиссиянинг айрим аъзолари ҳозир бўлмасалар, бу ҳақда баённомада уларнинг ҳозир бўлмаганликлари сабаблари кўрсатиб ўтилади	Раис
24.	Овозларни санаб чиқиш натижалари тўғрисидаги баённомани имзолаш вақтида баённома мазмуни юзасидан норози бўлган комиссия аъзоси ўзининг алоҳида фикрини баённомага илова қилишга ҳақли, бу ҳақда баённомада қайд этилади	Раис
25.	Участка сайлов комиссияси томонидан сайлов участкасида овозларни санаб чиқиш натижалари ҳақидаги баённомани тасдиқлаш тўғрисида қарор қабул қилинади	Аъзолар
26.	Овозларни санаб чиқиш натижалари ҳақидаги баённома комиссия аъзолари томонидан имзоланади ва комиссия муҳри билан тасдиқланади	Раис Аъзолар
27.	Овоз бериш натижаларини муҳокама қилиш вақтида ҳозир бўлган шахсларга уларнинг илтимосига кўра баённома нусхалари берилади ва нусхани олган шахс томонидан реестрга имзо қўйилади	Раис Аъзолар

28.	Баённома участка сайлов комиссиясининг раиси ёки раис ўринбосари томонидан ўқиб эшиттирилади ҳамда мазкур баённоманинг нусхаси участка сайлов комиссияси биносида ҳамма танишиб чиқиши учун осиб қўйилади	Раис Аъзолар
29.	Баённома тузилиши билан унинг биринчи нусхаси ва унга илова қилинган ҳужжатлар ички ишлар органлари ходимлари кузатувида округ сайлов комиссиясига олиб бориб топширилади	Раис
30.	Баённоманинг иккинчи нусхаси барча ҳужжатлар билан бирга сақланади	Котиб

**Изоҳ:** Овозларни санаб чиқиш танаффуссиз, натижалар аниқлангунга қадар давом этади.

**Участка сайлов комиссияси жойлашган бинода бўлиши тавсия этиладиган зарур буюмлар**

1. Ўзбекистон Республикасининг Давлат байроғи.
2. Сайлов участкасининг тартиб рақами кўрсатилган пешлавҳа.
3. Кузатувчилар учун алоҳида жойлар.
4. Сайлов санасига бағишланган плакатлар (Ўзбекистон Республикаси Президенти сайловига \_\_\_ кун қолди).
5. Сайлов участкасининг харитаси.
6. Участка сайлов комиссиясининг таркиби, иш режаси, навбатчилик жадвали.
7. Ўзбекистон Республикаси Марказий сайлов комиссияси томонидан нашр этилган Ўзбекистон Республикаси Президентлигига номзодларнинг таржимаи ҳоли ва дастури (китобча шаклида).
8. Участка сайлов комиссияси жойлашган хона пештоқига ўрнатиладиган кўрсаткич.
9. Овоз бериш хонасига олиб борувчи йўлларга қўйиладиган кўрсаткичлар.
10. Зарур мебеллар, оргтехника воситалари (телефон, факс, принтер, 2 та компьютер (уларнинг 1 таси Интернет тармоғидан фойдаланиши учун, 1 таси участка сайлов комиссиясининг фаолиятида фойдаланиши учун (Интернет тармоғига уланмаган), телевизор ва ҳ.к.).
11. Ёнғинга қарши курашиш воситалари.

**Изоҳ:** Участка сайлов комиссияси жойлашган бино ва унга олиб борувчи йўлақлар озода ва таъмирланган, ёритиш мосламалари ўрнатилган бўлиши керак.

Участка сайлов комиссияси жойлашган бино зарур буюмлар ва хоналар билан тегишли округ сайлов комиссияси ҳамда комиссия жойлашган ташилот раҳбари кўмағида жиҳозланиши тавсия этилади.

Участка сайлов комиссияси компьютерини Интернет тармоғига улаш Ўзбекистон Республикаси Ахборот технологиялари ва коммуникацияларини ривожлантириши вазирлигининг ҳудудий бошқармалари кўмағида амалга оширилади.

**Сайлов участкасида бўлиши тавсия этиладиган сайловга бағишланган ахборот стендлари**

1. Участка сайлов комиссияси иш фаолияти тўғрисидаги ахборотлар жойлаштириладиган стенд.
2. Сайлов участкаси харитасини жойлаштириш учун стенд.
3. Ўзбекистон Республикаси Президентлигига номзодларнинг плакатлари учун стенд.
4. Сайловга доир норматив-ҳуқуқий ҳужжатлардан кўчирмалар учун стенд. Ушбу стендга Ўзбекистон Республикасининг Конституцияси (XXIII боб 117-модда), «Ўзбекистон Республикаси Президенти сайлови тўғрисида»ги, «Фуқаролар сайлов ҳуқуқларининг кафолатлари тўғрисида»ги қонунларидан ташқари, Ўзбекистон Республикасининг Жиноят кодекси (146 ва 147-моддалар), Маъмурий жавобгарлик тўғрисидаги кодекси (V<sup>1</sup> боб 51<sup>2</sup>–51<sup>9</sup>моддалар), Фуқаролик процессуал кодексидан (272-модда) ҳам кўчирмалар жойлаштирилиши мақсадга мувофиқ.
5. Сайловчилар рўйхатини жойлаштириш учун стендлар.
6. Овоз бериш тартиби тўғрисида маълумотнома.

***Изоҳ:** Участка сайлов комиссияси сайловга бағишланган ахборот стендлари билан тегишли округ сайлов комиссияси ва комиссия жойлашган ташилот раҳбари кўмагида жиҳозланиши тавсия этилади.*

**Сайлов участкасида бўлиши тавсия этиладиган сайлов  
жиҳозлари**

1. Стационар катта сайлов қутиси – 1 дона.
2. Стационар кичкина сайлов қутиси – 1 дона.
3. Кўчма сайлов қутиси – 1 дона.
4. Яширин овоз бериш кабиналари.
5. Пластмассали пломбалар – умумий 7 дона, шундан 2 таси захира.
6. Участка сайлов комиссиясининг муҳри – 1 дона.

***Изоҳ:** Тегишли туман (шаҳар) ҳокимликлари илгариги сайловларда фойдаланилган ва уларда сақланаётган сайлов жиҳозлари билан участка сайлов комиссияларини таъминлайди.*

*Ўзбекистон Республикаси Марказий сайлов комиссияси участка сайлов комиссияларини янги сайлов жиҳозлари билан округ сайлов комиссиялари орқали таъминлайди.*

**Сайлов участкасида бўлиши тавсия этиладиган норматив-  
ҳуқуқий ҳужжатлар**

1. Ўзбекистон Республикасининг Конституцияси.
2. Ўзбекистон Республикасининг «Фуқаролар сайлов ҳуқуқларининг кафолатлари тўғрисида»ги Қонуни.
3. Ўзбекистон Республикасининг «Ўзбекистон Республикаси Президенти сайлови тўғрисида»ги Қонуни.
4. Ўзбекистон Республикасининг «Ўзбекистон Республикаси Марказий сайлов комиссияси тўғрисида»ги Қонуни.
5. Ўзбекистон Республикасининг «Сиёсий партиялар тўғрисида»ги Қонуни.
6. Ўзбекистон Республикаси Марказий сайлов комиссиясининг тегишли қарорлари.

**Изоҳ:** Участка сайлов комиссиялари Ўзбекистон Республикаси Марказий сайлов комиссияси томонидан тўпламлар сифатида нашр этиладиган мазкур норматив-ҳуқуқий ҳужжатлар билан таъминланади.

Шунингдек, мазкур норматив-ҳуқуқий ҳужжатларни Ўзбекистон Республикаси қонун ҳужжатлари маълумотлари миллий базаси ([www.lex.uz](http://www.lex.uz)) ҳамда Ўзбекистон Республикаси Марказий сайлов комиссияси расмий веб-сайтидан ([www.elections.uz](http://www.elections.uz)) олиши мумкин.

**Участка сайлов комиссиясида бўлиши тавсия этиладиган иш юритиш жилдлари**

1. Участка сайлов комиссиясининг қарорлари, баённомалари ва далолатномалари папкаси.
2. Ўзбекистон Республикаси Марказий сайлов комиссияси ҳамда округ сайлов комиссиясидан келган ҳужжатлар ва ёзишмалар папкаси.
3. Сайловчиларнинг муружаатларини қайд қилиш журнали.
4. Корхоналар, муассасалар ва ташкилотлардан келиб тушган ҳужжатларни рўйхатга олиш журнали.
5. Чиқиш ҳужжатларини рўйхатга олиш журнали.
6. Навбатчилик журнали.

***Изоҳ:** Участка сайлов комиссияси иш юритиш жилдлари билан тегишли округ сайлов комиссияси кўмагида таъминланади.*



**Участка сайлов комиссиясида бўлиши тавсия этиладиган  
канцелярия анжомлари**

1. Конвертлар – 5 дона.
2. Иш юритиш журналлари – 6 дона.
3. Папкалар – 4 дона.
4. Ёзув ручкаси (шарикли, кўк ранг) – 8 донадан.
5. Қоғоз – 1 пачка.
6. Степлер – 1 дона.
7. Скоба – 2 кути.
8. Штрих – 1 дона.
9. Қоғоз-тешгич – 1 дона.
10. Чизғич – 1 дона.
11. Скрепка – 1 кути.

**Изоҳ:** *Участка сайлов комиссияси канцелярия анжомлари билан тегишли округ сайлов комиссияси кўмагида таъминланади.*

**«Она ва бола» хонасида бўлиши тавсия этиладиган  
жиҳозлар**

1. Хона полини қоплаш учун гилам ёки полос (хонанинг катта ёки кичиклигига қараб 1 та ёки 2 та);
2. Ўйинчоқлар учун шкаф – 1 та;
3. Болалар кровати – 2 та;
4. Катталар столи – 1 та;
5. Катталар стули – 2 та;
6. Болалар столи – 1 та;
7. Болалар стули – 4 та;
8. Болалар эртақ китоблари – 6 та;
9. Турли катталиқдаги юмшоқ ўйинчоқлар – 6 та;
10. Турли катталиқдаги пластмасса ўйинчоқлар – 10 та;
11. Ривожлантирувчи ўйинчоқлар – 6 та;
12. Расм дафтар – 6 та;
13. Рангли қалам – 6 та тўплам (пачка);
14. Электр чойнак – 1 та;
15. Чойнак – 1 та;
16. Пиёла – 6 та;
17. Чой қошиқ – 4 та;
18. Қоғозли салфетка – 2 та тўплам (пачка);
19. Ҳожатхона учун қоғоз – 2 та тўплам (пачка);
20. Совун – 2 та (1 та кир совун, 1 та атир совун);
21. Тувак (горшок) – 2 та;
22. Пластмасса челак – 1 та.

**Изоҳ:** «Она ва бола» хонаси мазкур жиҳозлар билан участка сайлов комиссияси жойлашган ҳудуддаги мактабгача таълим муассасаси кўмагида таъминланади.

**Тиббиёт хонасида бўлиши тавсия этиладиган жиҳозлар, дори воситалари, тиббий буюмлар ва тиббий техникалар**

<b>I. Жиҳозлар рўйхати</b>			
<b>т/р</b>	<b>номи</b>	<b>сон</b>	
1.	Стол	2	
2.	Стул	4	
3.	Стол лампаси	1	
4.	Сочик	2	
5.	Оқ чойшаб	1	
6.	Совун	1	
7.	Дезинфекцион эритма учун идиш	3	
8.	Урна	2	
9.	Қайдлар учун иш дафтари (48 варақли)	3	
10.	Тозалаш жиҳозлари (челак, швабра ва бошқалар)	1	
<b>II. Дори воситалари рўйхати</b>			
<b>т/р</b>	<b>Номи</b>	<b>Ўлчов бирлиги</b>	<b>Микдори</b>
1.	Тиббиёт спирти 70% -50.0 мл	фл	1
2.	Папаверин 2 гр №10	кути	1
3.	Аспирин 0.5 гр №10	ўрам	1
4.	Валидол 0.06 гр №10	ўрам	1
5.	Йоднинг спиртли эритмаси 5% -25.0 мл	фл	1
6.	Дибазол 1%- 1мл №10	кути	1
7.	Дротаверин 0.04 гр №10	кути	1
8.	Эуфиллин 0.15 гр №10	ўрам	1
9.	Строфантин 0.025% – 1мл №5	кути	1
10.	Анальгин 50% – 2 мл №10	кути	1
11.	Кофеин-натрий бензоат 20% – 1 мл №10	кути	1
12.	Новокаин 0.5% -5мл №10	кути	1
13.	Аммиак эритмаси 10%-10.0 мл	фл	1
14.	Корвалол 25.0 мл	фл	1
15.	Водород пероксид эритмаси 3% – 50 мл	фл	1

<b>III. Тиббий буюмлар рўйхати</b>			
<b>т/р</b>	<b>Номи</b>	<b>Ўлчов бирлиги</b>	<b>Миқдори</b>
1.	Термометр	дона	4
2.	Жгут (ёстиқчаси билан)	дона	1
3.	Тиббиёт бинти н/с 7см х14 см	дона	4
4.	Тиббиёт докаси 84см х50 см	дона	1
5.	Тиббий пахта 250 г	дона	1
6.	Шприц 5.0 мл	дона	10
7.	Шприц 2.0 мл	дона	10
8.	Бактериоцид лейкопластир	ўрам	4
9.	Резина қўлқоп	дона	10
<b>IV. Тиббий техникалар рўйхати</b>			
<b>Т/р</b>	<b>Номи</b>	<b>Миқдори</b>	
1.	Дори воситаси учун шкаф	1	
2.	Қушетка	1	
3.	Муолажа столи	1	
4.	Бикс	1	
5.	Ширма	1	
6.	Тонометр ва фонендоскоп	1	

**Изоҳ:** Участка сайлов комиссиясини мазкур жиҳозлар, дори воситалари, тиббий буюмлар ва тиббий техникалар билан тегишли округ сайлов комиссияси қўмагида таъминлаш тавсия этилади.